

'Sbε Pɔɔ pɔɔa Filemɔ -jei" ε

Jewlu-

¹ 'Mɔ Pɔɔ -ɔ -nɪa -kaso 'di 'de Sesi Klisi 'a dbonu-ti 'ɔn ke -aa de'di Timote ke, -apu -ɔɔ ja -mɔ Filemɔ 'jewlu-. -In -nɪε -aa -ti' kmai -o. -In -ke -aa beε sɔn o -wεε -aa nu dbo due'.

² -Aa de 'dinynɔkpao' Apia o, Asipu -ɔɔ -ke -a -foan' Kea 'a -ti' 'a tɔ o, Kea 'a -jei" naavn -ɔɔa -kuan' "jrui 'de -ɪn o -gbu" 'di o, -aa ja ɔɔ -wee' "klein 'jewlu -ke.

³ Kea -ε -nɪa -a "Bo ε, ε ke -aa Tɔ"bo Sesi Klisi po aopu "diwan -wεε ε 'je aopu- pεε 'a blua' "nyɪ.

Filemɔ 'ɔ nyɔ 'a -ti' kmaa' ke ɔɔ' dε -kwɪ" -tea' ke

⁴ -Bo 'ma sea Kea bae ε, 'maa "mae'- -ma -ti' o. 'Ma pɔε 'ma Kea 'sε- jeejee,

⁵ dε-nɔε' dε -ɪn -jea Sesi 'a -ti' tɔ' 'ɔn -wεε -ɪn -kma Kea 'a -jei" naavn -wee' 'a -ti' ε, ɪmɪ 'ma 'wɔn 'de -ma -ti' 'ɔn.

⁶ -Ma Sesi 'a -ti' tɔ' 'ɔn 'jea' -ε nɔε -wεε -ɪn -ke -a -nɪa dε due' ε, εmε 'ma -te' e Kea i -wεε ε 'je ε nu 'de -ɪn -je kplɪn -cεεn' nu 'de nyɔ 'jɪ 'je, -wεε ka "diwan kpɔan nyɔ -a naa Kea 'a -jei" ε, 'de ɔɔ 'je ε juo-. εmε -jeε nu -wεε Sesi 'a -ti' 'je nya mu.

⁷ Tɔ' -o, 'ma de 'di, -ma nyɔ 'a -ti' kmaa' pɔε 'ɔn 'mɔa- pεε o, -wεε ε kuu 'ma dɪ i, dε-nɔε' 'de -ma nɔɔdɪ 'a -ti' 'ɔn ε, Kea 'a -jei" naavn 'a pεε jɪε ja.

Δε Ρωο -teea' Filemō i 'de Onesimō 'a -ti' 'v̄n ε
 8 -je ε n̄a kan' -mō -w̄ee Kea 'a n̄ȳv̄ 'a -ti' kmaa'
 -m̄e n̄a 'de -v̄n 'v̄n ε, -m̄e 'v̄n n̄uε "i 'v̄n 'je -v̄n δε
 jr̄ε' i -tee'-. 'De 'ma Klis̄i 'a d̄bon̄v̄a' 'a -ti' 'v̄n ε,
 'v̄n 'b̄εε- 'v̄n 'je -v̄n -klaan" "kpei -te' 'de-, -w̄ee δε
 -n̄a ka -c̄c̄n' ka a, 'de -v̄n -je ε n̄v̄.

9 'Kaa 'mō Ρωο -kea" -ō -n̄a 'de -kaso 'di 'de Sesi
 Klis̄i 'a -ti' 'v̄n ka "o ka 'v̄n 'je 'v̄n n̄i ε, 'v̄n se ε "v̄n
 'v̄n 'je -v̄n -klaan" "kpei -te'. Ka -a -d̄b̄εεa a, εm̄ε
 -ti 'ma bae -v̄n 'de w̄lu 'd̄c̄e 'v̄n.

10 Δε 'ma -teea' -m̄ii ε, ε n̄i 'de 'ma "ju jr̄ō' 'ō -ti'
 'v̄n -o. Ὁ 'kpa 'ma "ju, ka ὁ "bo n̄a, 'kamō 'v̄n n̄i
 'n̄ō -kaso 'di. "Ju -c̄c̄ -ti' 'ma 'tm̄v̄v̄a -v̄n c̄c̄' 'n̄yn̄i
 m̄i -n̄i Onesimō. [ε 'de m̄ε -n̄i : Ὁ 'bleε n̄v̄d̄bo.]

11 T̄ein" 'de ε, ὁ se n̄v̄d̄bo 'ble 'bo -v̄n -p̄v̄n",
 'kaa kaan ka la, ὁ 'ble n̄v̄d̄bo 'm̄ε, ὁ se id̄oōa 'de
 -v̄n -ke 'ma -ti' 'v̄n.

12 Ὁmō -ō -n̄a 'ma t̄ō ε, 'ma p̄ō ὁ -jei" -w̄ee ὁ
 'je -v̄n o de ji.

13 'N̄ō -kaso 'di 'v̄n n̄a 'de Sesi 'a -ti' 'v̄n ε, 'v̄n
 'b̄εε- 'v̄n 'je ὁ i -te' 'n̄ō 'v̄n -p̄v̄n" 'de-, -w̄ee ὁ 'je 'v̄n
 s̄v̄n o p̄o 'bo -ma -k̄ōi".

14 Δε 'v̄n naa t̄ō' "kpei- 'de ε, εm̄ε -nao. 'Kaa 'v̄n
 se ε "v̄n 'v̄n 'je δε jr̄ε' n̄v̄ -bo ε se -ma 'v̄n n̄v̄-ti
 n̄i ε. 'v̄n se ε "v̄n ke'w̄ε, -w̄ee 'v̄n 'je -v̄n klaan"
 -klan klaan" k̄p̄v̄n 'de -v̄n -je 'v̄n δε 'd̄c̄e "jr̄ii n̄v̄.
 'v̄n n̄uε "i, -bo -v̄n -je 'v̄n 'd̄c̄e "jr̄ii n̄v̄ ε, ε 'je 'e -ma
 -c̄ε" 'kpa 'v̄n 'w̄lv̄.

15 "Kō Onesimō ke -v̄n -c̄v̄en "i 'de 'w̄i pla 'di,
 -w̄ee ὁ 'je 'bo -v̄n -p̄v̄n" de ji la 'bode ε- ? 'v̄n se
 -m̄ε o juo-.

16 ε se k̄v̄n m̄ε ὁ n̄i la 'bode n̄i-, 'kaa ὁ n̄uε
 d̄εw̄ōn, ὁ je k̄v̄n -sii. Ὁ 'kpa -aa de'di, c̄c̄' -ti'
 kma -c̄εen'-. 'Kaa 'v̄n 'je kan' 'm̄ε, ka c̄c̄' ke' ε mua

kmaa' 'de -ʊn pɛe o ε 'jea 'mɔ -sii ε, dɛ-nʊɛ' ɔɔ nʊɛ -ʊn "juɔi -wɛɛ ɔ -te' 'o, 'de ɔ 'kpa -ma de'di 'de Tʊ"bo 'ʊn.

¹⁷ ɛmɛ -ti -bo -ma sea 'ʊn -ma de'di -ɔ -ke -ma nʊa Kea 'a dbo 'daa- 'ja a, -mɛ ka -ʊn -jea 'ʊn sʊn 'sɔɔn kpuʊn ε, -ʊn -kpuʊn ɔ sʊn 'sɔɔn kan'.

¹⁸ -Bo ɔ nʊ -ʊn dɛ jrɛ' "jrɪi 'de-, -wɛɛ ɔ 'e -ma kpan 'bleɛ 'de ε, -mɛ -ʊn -sro' ε 'bo 'ʊn "jru.

¹⁹ 'Mɔ Pɔɔ, 'ma -cɛ" 'kpa -a -crɪ wlu -nɛ, -ma kpan "klein ɔ 'blea, 'mɔ -ɔɔ mu ε -saa', 'de -mɛ 'kamɔ 'ma kpan -ɛ -nɪa -ʊn "jru ε, 'ʊn se ε "i nɪ 'ʊn 'je -ʊn ɛɛ' -ti' -kwɪʊ o pɔo-. ɛɛ' kpan tu mɛ -nɪ -ma -cɛ" 'kpa 'a 'kmʊnɪa'.

²⁰ Kɪn, 'ma de'di, ka -ʊn -ke 'ma -a -nɪa dɛ due' 'de Tʊ"bo 'ʊn ε, 'ma bae -ʊn -ɛ, -ʊn -wɔn 'ʊn -kɪn kwa. -In nʊɛ -wɛɛ 'ma pɛe 'je ja ji 'de Klisti 'ʊn.

²¹ 'In 'je kan' 'mɛ dɪ "klein 'ma -teea' -mii -ta, -ma mu ɪ nʊa' see -ʊn -je 'o -mɔ -tie" cɛn ke'wɛ, ɛmɛ -ɛ -ti' 'ma 'crɪa 'sbɛ -nɛ.

²² Dɛ 'ʊn 'jea -mii -tee' ke'wɛ ε, ɛmɛ -nɪ -ʊn -nmaɛ 'ma 'pɛn 'ʊn. 'ʊn -tee' -kwɪʊ" ao ke 'ma -a muɛ 'jeea', dɛ-nʊɛ' aoa baɛɛ 'ma Kea jeejee.

Jewlu-

²³ Epafraʊ 'na ɔmɔ -je aopʊ. ɔ ke 'ma -a -nɪɛ -kaso 'di 'nɔ 'de Sesi Klisti 'a -ti' 'ʊn.

²⁴ Maki o, Aritaki o, Demasi o, Luiki o, ʊʊ -wee' 'na ʊʊʊ -je aopʊ -ke. ʊʊ ke 'ma -a nʊɛ dbo -tadue.

²⁵ Tʊ"bo Sesi Klisti sie aopʊ o -wɛɛ ao 'je 'saʊn 'je 'de ɔ 'kwa !

DBΞEΔE DEE-

Wè Northern: DBΞEΔE DEE- New Testament+

copyright © 2010 Wycliffe Bible Translators, Inc.

Language: (Wè Northern)

Contributor: WBT Central Zone

All rights reserved.

2020-12-01

PDF generated using Haiola and XeLaTeX on 18 Apr 2025 from source files dated 29 Jan 2022

420bcc8e-229d-5a3a-91bf-a91cc86b40db